

# সাইট প্রিপারেশন ও লে-আউট সাধারণ জিজ্ঞাসা



**প্রশ্ন:** লে-আউট দেওয়া জরুরি কেন?

**উত্তর:** বিল্ডিং প্ল্যান বা নকশা কে মূলভূমিতে স্থানান্তর-ই হল লে-আউট। ভবনের ফাউন্ডেশন বিশেষ করে ফুটিং, পাইলিং-এর সেন্টার এবং কলামের সেন্টার ইত্যাদি বিষয় সরাসরি লে-আউটের উপর নির্ভরশীল, তাই অবশ্যই একজন দক্ষ ও অভিজ্ঞ ইঞ্জিনিয়ার-এর তত্ত্বাবধানে ভবনের লে-আউট প্রদানের কাজ সম্পন্ন করতে হবে।

**প্রশ্ন:** লে-আউট-এ কোন কোন বিষয়সমূহ খেয়াল রাখা উচিত?

**উত্তর:** লে-আউট প্রদানের পূর্বে জমি অবশ্যই লেভেল বা সমান করে নিতে হবে এবং গাছ, ইট, পাথর বা অন্য যেকোনো আবর্জনা থাকলে তা সরিয়ে ফেলতে হবে। লে-আউট প্রদান এবং যেকোনো পরিমাপ নির্ণয়ে অবশ্যই স্টিলের টেপ ব্যবহার করতে হবে, প্লাস্টিকের টেপ ব্যবহার করলে মাপে কম-বেশি হওয়ার সম্ভাবনা আছে।

**প্রশ্ন:** লে-আউট-এর সঠিকতা যাচাই করা যায় কি উপায়ে?

**উত্তর:** প্রতিটি বর্গাকার, আয়তকার কক্ষের ক্ষেত্রে কর্ণ বরাবর সুতা টেনে কক্ষের আকৃতি সঠিক আছে কি-না তা নির্ণয় করা যায়। সুতা বাধার পর প্রত্যেকটি কোণ সমকোণ আছে কি-না তা দেখতে হবে (মাটাম এবং ৩, ৪, ৫ পদ্ধতিতে চেক করা) এবং কোনাকুনি মাপ ঠিক আছে কি-না তা চেক করে নিতে হবে।